



Universitätsbibliothek Paderborn

**R. P. Pavli Laymann è Societate I: Theologiæ Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiæ

3. Quotuplex sit conscientia.

urn:nbn:de:hbz:466:1-40716

2 Conscientia partim se extendit ad opera præterita, si mala, remorsus: si bona, testimonium Conscientiae. 2. Cor. i. Vel ad futura, dictando quæ facienda tanquam honesta, & quæ omittenda tanquam turpia.

3 Coroll. 3. Conscientia est actus elicitus à virtute prudentiæ, circa particularia. Synteresis autem continet vniuersalissima principia prudentiæ. Inter synteresin & prudentiam particularem, est media moralis scientia sive iurisprudentia. V. C. In malis promissis fides non est seruanda: Omne iuramentum seruari debet, quod sine dispendio salutis æternæ seruari potest: hæc comparata ad synteresin, conclusiones sunt; comparata ad prudentiam, sunt & ipsa moralia quædam axiomata, recteque viuendi regulæ. 2.

C A P. III.

Quotuplex Conscientia.

Conscientia alia est vera, recta, alia est falsa, errans. Est diuisio analoga, quippe cum errans Conscientia propriè nomen Conscientiæ non meretur.

Conscientia recta est, quæ ex practicis principiis secundum omnes circumstantias rectè applicatis, colligitur de agendo vel non agendo.

Porrò applicatio illa principiorum interdum vera est tam speculativa quam practica veritate & tunc emergit conscientia omnimode vera. V. C. Ius suum cuique tribuere, honestum est, coniugi autem ius competit ad coniugii actum, Ergo ipsi suus coniunx rectè & honestè coniugii debitum reddit: hæc autem

autem est mea legitima coniunx, vti verè perspectū habeo, ergo. Interdum applicatio illa est solum practicē vera in ordine ad practicam conclusionem seu conscientiam recte formandam. V. C. Gen. 29. Jacob. Honestum est accedere ad propriam vxorem, atqui hēc est mea vxor, vti prudenter arbitror. Ergo:

Accessus ille erat honestus, quia quiuis vir prudens, spectatis omnibus circumstantiis, ita iudicasset.

Corollar. Licet eiusmodi Conclusio seu iudicium, secundum quid falsa, secundum obiectum scilicet præcisè spectatum, absolutè tamen est vera; 1. quia, vt vidimus per bonum argumentum ex principiis practicis absolutè veris, concludi potest, ex vero autem non nisi verum. 2. quia talis conscientia est regula proxima honeste operationis, ideoque propriè aëtus prudentiæ virtutis semper ad verum inclinantis.

Conscientia falsa siue erronea dicitur, quæ ex falso siue erro neo pratico principio colligitur, V. C. Cultus religiosus est Deo gratus, sed mentiri pro religionis augmento honestum & Deo gratum: atqui hoc mendacium in religionis augmentum cedet: ergo licitum est nunc mentiri; quæ conclusio erronea, quia ex erro neo principio deducta.

Conscientia erronea diuiditur in invincibilem & vincibilem. Invincibilis est, cum error moraliter vitari non potest, ideò nec voluntarius, nec ad culpam imputatur.

Vincibilis est, cuius error vitari potest ac potuit, ac proinde indirecte voluntarius & culpabilis. Consequenter voluntas sequendo hanc conscientiam, peccat, invincibilis autem excusat.

A 2 Actus

Actus mendacii v. g. religionis causa invincibilis aliquo modo bonus est, secundum intentionem finis, quamvis deficit a rectitudine honestatis, secundum applicationem medii, quæ tamen deficitia propter ignorantiam excusat. 4.

3 Conscientia 3. alia est suadens, v. c. Vi. ginitatem; alia præcipiens. V. C. non mendacium.

4 Conscientiae diuisio in dubiam & scrupuloseam secundum similitudinem solum est: quia conscientia debet esse prædictum iudicium sive assensus sive rationis: at nec dubitans nec scrupulosus determinat iudicat aliquid agendum: sed ambiguus hæret.

C A P. IV.

Quanta sit obligatio Conscientiae præcipientis.

1 Assertio 1. Conscientia recta obligat sub peccato. P. obatur, quia voluntas peccat si in operatione non sequitur regulam suam: atque conscientia interiectus recte præcipiens est regula: Ergo.

Nota. Regula proxima voluntati est conscientia rationis, ducta ex Synteresi, lex diuina remota. 4.

2 Assertio 2. Voluntas peccat, agens contra conscientiam erroneam. Rom. 14. Omne quod non est ex fide, peccatum est.

Ratio. Cum objectum voluntatis sit bonum, ac malum, prout est in apprehensione rationis, ideo si ratio apprehendat aliquid, ac voluntati proponat, tanquam bonum morale necessarium ac præceptum, aut prohibitum, esto re ipsa præceptum aut prohibitum non sit, (si bonum) voluntas illud bonum respondendo